



WJe löblich vnd vor=  
 fichtig aller Durchlechtigter  
 großmechtigter König/ auch mit was  
 tugent vnnd güten anfhlegen inn an=  
 fangk das Römifche Reich von gerin=  
 gen vrprüngen inn groffe macht vnnd  
 wesen kommen / durch welche vrfache  
 das gewachffen / vnnd widerumb zu  
 mermalen inn abnemen gefallen fei/wirt  
 von dem aller redfprechften Tito Liuio inn feiner Römifchen Hiftorien  
 (die er befchrieben hat) angezeyget / die billich alle Regierer (als eyne  
 Spiegel vnd Exempel)anfehen/ darin alles was zu merung deß Reichs  
 nützlich vnd dienftlich fein/was auch daffelbig inn abfall bracht vnnd teg=  
 lich bringen mag/ erfunden wirt. Dañ keyner vnder allen den/ die Hiftori=  
 en befchreiben / das Römifch Reich alfo herrlich vnd brächtlich wie Li=  
 uius geziert hat)der auch bei feinem leben/nit weniger lobs inn den Röm=  
 ifchen gefchichten zu befchreiben / dann die ftatt Rom inn überwin=  
 dung der feindt vnnd jren triumphen hat erlanget / Auch Sanct Hiero=  
 nymus inn der vorred der Biblien anzeyge gibt / do er fagt / wie etliche  
 edle Herrn von Franckreich vnd Hifpanien zu Tito Liuio/ als zu eynem  
 Bach oder fließ der von füffen vnd lieblichen reden(als mit Milch flüffe)  
 komē fein/ vnd die jhenen /die die ftatt Rom inn allen jrem wesen vnnd  
 vermögen / nit bewegen mocht / dohyn zu kommen/vnnd fie zu befichti=  
 gen/hat das gerücht vnd lob difes eynigen Titi Liuij dohin bracht das  
 fie jnen alleyn fehen vnd hören wolten. Dann Liuius vor allen andern/  
 die von der Römer vnnd ander Nation gefchichten vnd krieges gefchri=  
 ben haben/ den fürzug (vnd als Hercules) vnder allen ftarcken den platz  
 beheldet/ als der jhene der im leben nit verdrossen / funder lieblich vnnd  
 frölich / auch im außfprechen dapffer vnnd großmütig wirt erfunden/  
 Keyner ift vnder allen den jhenen / die Hiftorien jhe befchrieben haben/  
 der die ohren der menfchen mit feinen reden vnnd Oration (die allenthal=  
 ben inn difem buch eingeflochten fein volkümlicher möge erfüllen /keyner  
 der das hertz vnnd gemüt der menfchen mehr durchdringen vnd leicht=  
 licher zu freude/ zorn vnd mitleiden bewegen mag/ dann Liuius / deßhal=  
 ben er wol billich allen andern inn Hiftorien fürgefetzt vnnd für den be=  
 ften vnd nützlichften gehalten wirt. Damit aber folch Hiftoria auß dem  
 Latein inn Teufch verändert/ an den tage käme / vnnd offenbart wür=  
 de/ ift mein begiert lange zeit gewest die felbige ewere Königliche Ma=



ieltat (als eynem obersten haupt vnd regierer deß heyligen Römischen  
 Reichs) zu schreiben / wie daß hievor der gleichen/Valerius Maximus  
 sein Historien/von mercklichen geschichten vñ sprüchen/dem Keyser Ti=  
 berio/ vnd Plinius sein werck von der natürlichen Historien Tito Ve=  
 spasiano zugeschrieben vñnd geschickt haben. Solch werck aller mech=  
 tigster König(das zuor an ewer Königliche Maiestat zu ehren/ darzu  
 Fürsten vnd Herrn/auch Gemeynden vnd Stetten Teutcher Nation/  
 zu nütze in teutsch bracht/vnd inn der löblichen Itatt Meyntz gefertigt/  
 vnd getruckt ist) wöll ewer Röm. May. gnediglich auffnemen: Inn wel=  
 licher Itatt auch anfänglich die wunderbarliche Kunst der Truckerey/  
 vñnd im ersten von den künstreichen Johann Guttenberg/ do man zalt  
 nach Christi vnser Herrn geburt tausent vierhundert vñnd fünfftzig  
 jar erfunden/Vnd darnach mit fleiß/koft vñ arbeyt Johann Fau=  
 lten vñ Peter Schöffers zu Meyntz ins werck gebracht/vnd  
 beftendig gemacht ist worden. Darumb die selbe Itatt  
 nicht alleyn bei Teutcher Nation / fonder auch bei  
 aller welt inn ewige zeit (als wol verdienet)  
 gepreißt vñnd gelobt soll werden / vnd  
 die Burger vñnd einwoner  
 dofelbft das billich  
 genießen.

Register